

---

Saksnr: 2019/11-105  
Saksbehandlar: Signe Gudveig Rauboti

---

**Saksgang**

Utval	Utv.saksnr.	Møtedato
Valnemnda		28.09.2021
Fylkestinget		29.09.2021

**Utpeiking av kandidat til styret i Geopark Sunnhordland AS**

## Forslag til innstilling

Vestland fylkeskommune peikar ut følgjande kandidatar til vervet som medlem og varamedlem av styret i Geopark Sunnhordland AS:

Medlem:  
Varamedlem:

## Samandrag

Geopark Sunnhordland har status som Norsk Geopark, og vil hausten 2021 søke medlemskap i UNESCO Global Geopark Network. Målet er å bruke området sin geo-arv som ressurs i utviklinga av berekraftig geoturisme og undervisning.

Før innsending av UNESCO-søknaden, skal Geoparken etablerast som eit aksjeselskap. Eigar av aksjeselskapet, Samarbeidsrådet for Sunnhordland IKS, inviterer fylkeskommunen til å utpeike ein kandidat til styret i selskapet.

Rune Haugsdal  
fylkeskommunedirektør

Ingrid Kristine Holm Svendsen  
avdelingsdirektør

*Saksframlegget er godkjent elektronisk og har difor inga handskriven underskrift*

## Saksutgreiing

### Bakgrunn for saka

Geopark Sunnhordland har status som Norsk Geopark, og vil hausten 2021 søke medlemskap i UNESCO Global Geopark Network. Målet er å bruke området sin geo-arv som ressurs i utviklinga av berekraftig geoturisme og undervisning.

Geopark Sunnhordland («Geoparken») har sidan 2013 vore eit prosjekt under utvikling, initiert av Samarbeidsrådet for Sunnhordland IKS, og med Moster Amfi, Sunnhordland museum, Rosendalstiftinga og Folgefonnssenteret representert i eit interimsstyre.

Institutt for geovitskap ved UiB og Norges Geologiske Undersøkelse bidreg til utarbeidinga av søknaden om UNESCO-medlemskap. Parken fekk i 2019 1 mill. kr i tilskot frå fylkeskommunen til prosjektarbeidet. Moster Amfi og kyrkjehistoriske senter AS, eigd av fylkeskommunen og Bømlo kommune, er valt som hovudportal og kontor for parken.

For meir informasjon om Geopark Sunnhordland, sjå <https://www.geoparksunnhordland.no/om-oss/>

Før innsending av UNESCO søknaden, skal Geoparken etablerast som eit AS, eigd av Samarbeidsrådet for Sunnhordland IKS. Samarbeidsrådet inviterer fylkeskommunen til å utpeike ein kandidat til styret i selskapet, med varamedlem.

I utkastet til vedtekter er selskapet sitt føremål vedtektsfesta slik:

*«Geopark Sunnhordland AS har ein geologi av både nasjonal og internasjonal verdi og har som føremål, gjennom ein felles organisasjon å leggje til rette og ta ansvar for ein god og informativ presentasjon av Sunnhordland si geologiske naturarv. Dette omfattar å syna samanhengar mellom geologisk mangfald og viktigheita dette har for menneska i dag, i fortid og i framtid (t.d. biologisk mangfald, miljøforhold, samfunnsutvikling, kultur, jordbruk, utnytting av geologiske naturressursar m.m.). Selskapet skal ikkje ha næringsverksemd som føremål.»*

### Vedtakskompetanse

Myndet til å innstille eller velje medleamar til eksterne organ ligg til fylkestinget, jf. reglement for fylkestinget punkt 2.4.6. Valnemnda gjev innstilling i valsaker i dei tilfella avgjerda om valet ligg til fylkestinget, jf. reglement for valnemnda.

### Om nominasjonen

Fylkeskommunen er invitert til å utpeike éin styremedlem og éin varamedlem i selskapet Geopark Sunnhordland AS.

I utkastet til stiftingsdokument for selskapet er det lagt opp til at styret skal vere samansett slik:

*«Selskapet sitt styre skal vera:*

- Liv Kari Eskeland, stortingsrepresentant
- John Inge Svendsen, geolog
- Bård Gram Økland, arkeolog
- Vestland fylkeskommune
- Torstein Hatlevik, hoteleigar og leiar styringsgruppe Visit Sunnhordland
- Stina Nordbak, samfunnsplanleggjar og leiar Visit Austevoll
- [Mette Heidi Bergsvåg Ekrheim], styreleiar Samarbeidsrådet for Sunnhordland IKS»

I utkastet til vedtekter står det at dei aksjonærvalde medlemene vert valde på ubestemt tid. I e-post til fylkeskommunen 20.09.21 oppgjev selskapet at kandidaten fylkeskommunen nominerer vil bli vald for to år i første omgang.

Det er kjønnsbalanse mellom dei styrekandidatane som allereie er føreslegne, og som alle har takka ja, så fylkeskommunen står fritt når det gjeld kjønn på kandidaten.

### Vurderingar og verknader

Ein regionalpark vert etablert innanfor eit avgrensa område. Ivaretaking av regionen sitt landskap, kulturarv og identitet står sentralt. Arbeidet skal gjerast gjennom berekraftig samfunnsutvikling, og byggjer på eit nedanifrå-og-opp perspektiv, der lokalt engasjement er den sentrale drivkrafta.

Regionalparkane representerer nye modellar for verdiskaping og lokal samfunnsutvikling. I PS 235/2020, handsama fylkesutvalet ei sak om fylkeskommunal medverknad inn mot regionalparkar, og vedtok følgjande:

*«1. Fylkesutvalet meiner at regionalparkane i Vestland som er etablerte eller er under etablering, er gode regionale utviklingstiltak. Vestland fylkeskommunen er ein medspelar på denne typen verdiskaping, og vil stø initiativ i kommunar og lokalsamfunn.*

*2. Fylkesutvalet ber fylkesrådmannen vurdere satsing for å sikre brei verdiskaping på kulturmiljøområdet, og som også er retta mot utviklingstiltak i regionalparkane. Evt. nye ordningar skal forvaltast av Hovudutval for kultur, idrett og integrering.*

*...»*

I PS 64/2021 vedtok fylkesutvalet retningsliner for ei ny tilskotsordning mynta på regionalparkar som Geopark Sunnhordland, gjeldande frå 2022.

Invitasjonen til å nominere ein kandidat til styret i Geopark Sunnhordland AS, betyr at fylkeskommunen får høve til påverke samansetjinga av styret og at fylkeskommunen kan bidra til at styret får ei god samansetjing.

**Økonomi:** Ikkje relevant

**Klima:** Ikkje direkte relevant

**Folkehelse:** Ikkje direkte relevant

**Utviklingsplan for Vestland 2020-2024 (Regional planstrategi):**

Å nominere ein kandidat kan indirekte bidra til følgjande mål i utviklingsplanen:

Mål 1: Vestland som det leiande verdiskapingsfylket og nasjonal pådrivar for eit regionalisert og desentralisert Noreg», strategi 1.2, 1.3.

Mål 2: «Klima og miljø som premiss for samfunnsutviklinga, strategi 2.1, 2.2.

Mål 3: «Lokalsamfunna som ramme for gode kvardagsliv», strategi 3.1.

Mål 4: «Like moglegheiter til å delta i verdiskaping», strategi 4.1.

Konklusjon

Fylkeskommunedirektøren tilrår at fylkestinget nominerer ein styrekandidat med vara til styret i Geoparken Sunnhordland.